

ԳՈՐԳԱԳՈՐԾՈՒԹԵԱՆ ԱՐՈՒԵՍՏԸ ՉԱՐՄԱՀԱՆՈՒՄ

Ա.

ՉԱՐՄԱՀԱՆԻ ԳՈՐԳԵՐԻ ԷՍԿԱՆ
ՅԱՏԿԱՆԻՇՆԵՐԸ

Իրանի Սպահան նահանգի Չարմահալ գաւառի հայ գիւղացիների տնայնագործութեան եւ նրանց տնտեսական կեանքի զարգացման խնդրում, 365 երկար տարիների ընթացքում, նշանակալից դեր է կատարել գորգագործութեան արուեստը:

Ուշագրաւ է եւ այն, որ Սպահանի գաւառներից Չարմահալը գորգագործութեան առանցքն է կազմում, ուր արտադրուած գորգերն իրենց գունազեղ, նրբաճաշակ վարդանկարներով, իրենց գոյների բազմազանութեամբ, առանձնաշատով ոճերով, ժամանակի ընթացքում, հետաքրքրական նուաճումներ են արել եւ հասել որոշ զարգացման:

Դեռ 1863 թուականին, Նոր-Ջուղայեցի Տ. Յովհաննէս Աւագ քհնյ. Պաշկեանը, Կարկաթայում հրատարակած «Արկած» գրքում, Չարմահալի տնայնագործութեան եւ գորգագործութեան մասին արձանագրել է այսպէս. «... Եւ կանայք ի տան ապահովեն զկութս խաշանց ի կողի, ի պանիր, ի չորթան եւ այլն: Չգեղմն խաշանց խուզեալ ի դանազան որակս ներկեալ եւ մանեալ ոտաւայնակեն զճարտարակազմ յօրինուածս պատուական գորգոց եւ կապերտաց, նաեւ գործեն զանկապանս եւ ձեռնոցս թագաւորաւայել» (էջ 140):

1919 եւ 1946 թուականներին, Չարմահալ գաւառի հայաբնակ գիւղերի գեղջուկների տնտեսական կեանքի հիմնական

էջերն ու աղագործութիւնն ուսումնասիրելու նպատակով՝ շրջեցինք հայաբնակ գիւղերը, շարաթներով ապրեցինք հիւրասէր գիւղացիների խրճիթներում, վաճառեցինք նրանց ջերմ, անկեղծ հիւրասիրութեան բարիքները: Բոլոր գիւղերումն էլ մեզ պատուեցին քաղցրահամ մածուկով, անոյշ կաթով, հիասթափող հում սերով ու կարագով, աննման քաթայով եւ կախնիով: Այդ ժամանակ էլ ծանօթացանք նրանց հիւրասենեակները զարդարող բազմաթիւ գորգերի հետ, որոնց ձուր գոյներով գունազեղ նկարները, սիրուն պատկերները, հմուտ հիւսուածքն ու տարրեր ոճերը վկայում են մի էական հանգամանք, որ Չարմահալի հայաբնակ գիւղերում փայլել են վարպետ գորգագործութեան, որոնք իրենց արուեստով գորգագործութեան մշակութիւնն ունենում են մի շարք գեղեցիկութիւններ: Դրանք սեւաչեւ, համեւտ, ամօթխած, աշխատասէր ու ժրջան այն գեղջուկներն են, որոնք գորգարուեստին աւանդ են թողել տարրեր մեծութեամբ գեղակերտ ու նրբին գորգեր, որոնց մէջ ապրում են գորգագործական ձիրքով օժտուած հայ գեղջուկների արուեստի էական յատկանիշները:

Կան գորգեր, որոնց գեղեցիկ զարդանկարները, երանդների ներդաշնակ քաղցրութիւնը եւ հրաշալի հիւսքերը չափազանց խօսու են եւ գրաւիչ:

Այդ գորգերից շատերը, որոնք մեծ հետաքրքրութիւն են ներկայացնում, անգիր գողտրիկ գրքեր են, որոնց մէջ կարգում էք Չարմահալի հայ գեղջուկներին ու հոգին. թանկագին գորգեր, ո-

րոնց գեղանկար հիւսքի մէջ վաւատաւոր գեղջուկները գրել են իրենց անգին պատերի արուեստի հոգին:

Այդ գեղակերտ ստեղծագործութիւններով գեղջուկները հարստացել են Չարմահալի գորգագործութեան դանձարանը:

Այդ արտագործութիւնների մէջ առանձնաշատով տեղ են գրաւում այն գորգերը, որոնք իրենց հիւսուածքով ու շարագրութեամբ գուտ պարսկական արուեստի գեղեցիկութիւններ են եւ պատկերում են խորասանի, Համադանի, Սպահանի, Սուլթանապատի, Քրմանշահի հին գորգերի էական յատկանիշները:

Սակայն, Չարմահալի հայաբնակ գիւղերի գորգարուեստն ուսումնասիրելիս՝ տեսնում էք նաեւ այնպիսի գորգեր, որոնք հիւսուածքի, զծագրութեան, գոյների, նաշխերի տեսակէտից տարրեր առանձնաշատութիւններ ունեն: Կան գորգեր, որոնք հայկական են եւ ընդհանրապէս երկրաչափական զծերով են արտայայտուած: Դրանք պատկերում են մեր նախահայրերից աւանդ մնացած հին գորգերի գեղեցիկ զծարուեստն ու ոճը՝ նոր ձեւերով արտայայտուած:

Պէտք է մոռանալ, որ Չարմահալի գեղջուկներն Արարատեան դաշտի հայ բեկորներից են, որոնք Շահ-Աբրահամ Ա. ի ընդհանրացումը՝ գորգագործութեան մշակութիւնը Հայաստանից իրենց հետ իրան են բերել, որը ժառանգաբար անցել է սերնդից սերունդ: Դրանով էլ պիտի բացատրել, որ Չարմահալի գեղջուկների մոտիֆների որոշ մասը կրում է հայկական գորգերի աւանդական յատկանիշները:

Չարմահալի հայաբնակ գիւղերի գորգերի ընդհանուր պատկերը գիտելիս՝ ձեր ուշադրութիւնը գրաւում են նաեւ մի շարք գորգեր, որոնք բոլորովին ինքնուրոյն, նոր արտագործութիւններ են եւ իրենց էական կառուցուածքով ու զծագրութեամբ ցոլացնում են հայ գեղջուկների գեղարուեստական հասկացողութիւնը: Դրանք կարելի է աղագրական նիւթեր են: Այդ գորգերի բնորոշ առանձ-

նաշատկութիւնը նոր զծարուեստի, զծառների ինքնուրոյնութիւնն է. մի հանգամանք, որը բարձրացնում է Չարմահալի գեղջուկների գործած գորգերի գեղարուեստական՝ պատմական արժէքը: Առհասարակ, Չարմահալում տեսնում էք զանազան, տարրեր եւ հետաքրքրական գորգեր: Այդ հիմնական տարրերութիւններն էլ կազմում են հայ գեղջուկների արտագործութեան յատկանշական ոճն ու արուեստը, որոնք իրենց ինքնուրոյն գրոշմով դանազանում են Սպահանի գորգագործութեան գլխաւոր կենտրոններ հանդիսացող միւս գաւառների՝ Փերիայի, Քեհազդի, Քեհամարայի, Գեալիլայի հայաբնակ գիւղերի գորգարուեստից: Չարմահալի գեղջուկների ստեղծագործութիւնները կարելի է անուանել Չարմահալի գորգեր, որոնց բնորոշ արուեստն ինքնատիպ եւ ներդաշնակ ոճն է:

Նշենք, սակայն, որ Չարմահալի գորգահիւսութեան արուեստում զծագրական տեսակէտից կան գորգեր, որոնք որքան ինքնուրոյն են, դարձեալ պատկերում են իրանական եւ մասամբ էլ հայկական ոճերի էական զծերը:

Գծաձեւերի էութիւնը պարզելիս՝ նշենք մի այլ կարեւոր երեւոյթ: Չարմահալում հայ գեղջուկները նոր գորգեր պատրաստելիս՝ երբեմն ընդօրինակել եւ մշակել են հին գորգերի զծաձեւերը, կամ նոր օրինակները մասամբ փոխ են առել իրանական հին գորգերից, կամ դանազան շրջանների զծագրութիւններն իրար հետ ներդաշնակելով՝ նոր ձեւ եւ ոճ են տրուել: Այս երեւոյթը, ի հարկ է, չի կարող նպաստել Չարմահալի գորգարուեստի զարգացմանը: Այդ զծով հնարաւոր էք ստեղծել ինքնուրոյն ոճ եւ զծագրութիւն:

Նկատենք եւ այն, որ Չարմահալի հայաբնակ գիւղերում գորգարուեստի տարրեր արտագործութիւններն ուսումնասիրելիս՝ տեսնւոք գործուածքներ, որոնք իրենց գլխաւոր զծերով նոյն արուեստը եւ նոյն ձեւերն են պատկերում, կամ հին արգիւնարութեան աղեցնութիւնն են կը-

րում: Այդ դորդերն աւելի առեւտրական արտադրութիւններ են: Գորգեր էլ կան, որոնք իրենց պատկերաւորութեամբ, գոյնների բազմազանութեամբ եւ զարդանկարների ներդաշնակութեամբ թէեւ գեղեցիկ են, բայց գեղարուեստական հիւսուածքով մեծ արժէք չեն ներկայացնում. իսկ շատերն էլ միջակ արտադրութիւններ են:

Մի երեւոյթ, սակայն, անխտելի է: Չարմահալում հայ գեղջիկուհիների պատրաստած գորգերը, մեծ մասամբ, ճաշակաւոր ստեղծագործութիւններ են եւ համապատասխանում են ժամանակի պահանջների արտադրութեանը: Այդ գորգերը բանուածքով կալուղ են, գոյները՝ կենդանի, իսկ դժաձեւերը ներդաշնակ են ու գեղարուեստական:

Ընդգծենք մի այլ յատկանշական տարր. դա նրանց դիմացկունութիւնն է եւ ուժեղութիւնը: Այդ հանգամանքը պիտի բացատրել նրանով, որ գորգերի երկարութեան թելերը մեծ մասամբ բրդից են: Նոյնպէս շատ գորգերի ներքնաթելերը բուրդ են, իսկ բանուածքը Չարմահալ գաւառին առանձնատու է: Առհասարակ, Չարմահալի գորգերը, մեծ մասամբ, հիւսուած են բուրդ յատակի վրայ՝ բուրդ կապերով: Դա յատկանշական մի երեւոյթ է ա՛յն տեսակէտից, որ հնագոյն ծանօթ հայ գորգերը եւս միայն բուրդ են: Բայց կան գորգեր էլ, որոնց պատրաստութեան համար ե՛ւ բամբակ ե՛ւ բուրդ են գործածուած:

Ո՛րքան խորանում էք Չարմահալի հայ գեղջիկուհիների գործած գորգերի բովանդակութեան մէջ, նոյնքան էլ պարզւում են ձեզ մի շարք էական յատկանիշներ, որոնցից զխաւորը գորգերի գունազեղ գոյների հարապատութիւնն է: Դա պիտի բացատրել նրանով, որ այդ գորգերը քիմիական լուսացքի չեն ենթարկուած:

Ուշադրաւ է եւ ա՛յն, որ Չարմահալի այդ վաստակաւոր գեղջիկուհիները գորգագործութեան յատուկ դասընթացներ չեն անցել, այլ իրենց մայրերի ու տատիկների մօտ են սովորել եւ տարիներ

ընթացքում մշակուել են, զարգացել եւ ձեւակերպուել:

Չարմահալի գորգագործութեան էական յատկանիշները լուսարանելիս՝ արձանագրենք մի այլ կարեւոր երեւոյթ, որ յիշատակարաններով կամ տարեթուերով գորգեր շատ քիչ կան: Հայ գեղջիկուհիները տարեթուեր դրել են յիշատակի համար, որոնք, սակայն, շատ հազուադէպ են: Այդ է պատճառը, որ Չարմահալի գորգարուեստի զարգացման եւ ժողովրդականացման պատմութիւնը գրելու համար փաստական տեղեկութիւններ պակասում են:

Բ.


ՉԱՐՄԱՀԱԼԻ

ՀԱՅ ԳՈՐԳԱԳՈՐԾՈՒՆԵՐԸ

Չարմահալի 14 հայաբնակ գիւղերում կան 45 գորգագործ գեղջիկուհիներ, որոնք օժտուած են լուսագոյն եւ ընտիր գորգեր գործելու առանձին ձիրքով: Տուէք նրանց բրդէ գոյնդրոյն թելեր, գեղարուեստական նուրբ զարդանկարներ, ծաղկանկարներ, եւ վստահ եղէք՝ որ այդ գեղեցիկութիւնները նրանք գորգերի վրայ հարապատութեամբ պատկերելու են:

Ընդգծենք, սակայն, որ Չարմահալի հայ գեղջիկուհիների գորգագործական աշխատանքը ծանր է: Նրանք ո՛չ բրդի դտարան ու մանարան ունեն, ո՛չ յատուկ ներկատուն եւ ո՛չ էլ գորգերի քիմիական լուսացարան: Ամբողջ գաւառում որեւէ մեքենայ չէք գտնում. որով ամէն ինչ կատարւում է նահապետական ձեւով: Դրանով էլ պիտի բացատրել, որ գորգագործ գեղջիկուհիներն իրենք են հաւաքում ոչխարի բուրդը, լուանում, գզում ու թելերը մանում եւ իրենք էլ ներկում են: Այստեղ սեղմ դժերով պատկերենք նրանց կերպարները.

1. Գորգագործուհի Ովսաննա Դաւթեան: Չարմահալի գորգագործական մշակոյթի պայծառ ու փայլուն գեղջիկուհի-



Չարմահալի Մամուռան գիւղում՝ Տիկ. Ովսաննա Դաւթեանի 1940 թուականին գործած գորգերից մէկը, որի արժէքն է երկու հազար բուման: Չարմահալում կոչում են «բօրանջ» (Արամ Երեմեանի գրական դիւանից):

ներից մէկն է Ովսաննա Դաւթեանը, որ իր պատրաստած նկարազարդ գորգերի արուեստով՝ Չարմահալում մեծ հռչակ ու համբաւ է ունեցել: Նա փոքր հասակից ջերմօրէն սիրել է գորգարուեստը, որ սովորել է իր ծնողներից: Բնիկ աղբուլաղցի այս գորգագործուհին 25 տարիներ իր կեանքը, իր արուեստի հմուտութիւնը նուիրել է գեղարուեստական գորգերի պատրաստութեան ծանր, բայց ազնիւ աշխատանքին: Նրա արտադրական պատմութեան մէջ՝ առանձնատու տեղ են գրուում 15 նկարազարդ գորգերը, որոնք հարստացրել են Չարմահալի գորգագործական արուեստի գանձարանը:

Նա գերազանց որակի մի նոր զարդարուն գորգ էր գործում, երբ Մամուռան գիւղում կանգ առինք նրա դազգաւի մօտ: Գունեղ բրդէ թելերը նա հմուտ ձեռքերով արագութեամբ շարում էր հենքի բարակ թելերի վրայ:

— Ո՞ւմ մօտ էք սովորել գորգագործութիւնը, — հարցնում եմ վաստակաւոր գեղջիկուհուն:

— Սովորել եմ մեծ մամիս ու մայրիկիս մօտ, — համեստութեամբ պատասխանում է. ապա ինձ առաջնորդում հիւրասենեակը, ուր ուշադրութիւնս գրաւում են պատի վրայ հպարտ բազմած երկու գեղեցիկ գորգեր, որոնցից մէկը նա գործել է 1937 թուականին, Մամուռան գիւղում, Մաթուս աղա Աւետիքեանի պատուէրով, իսկ միւսը պատրաստել է 1940 թուին: Դրանցից առաջինը զարդարուն, նուրբ եւ դիմացկուն մի գորգ է, որը գրաւիչ է իր վառ գոյներով, ցոլացող գեղեցիկ նախշերով: Իշխող կարմիր, բաց կապոյտ (արի), կանաչ, վարդագոյն, բաց կարմիր (սուրաթի), մուգ կանաչ եւ մանիշակագոյն երանգներն, իրենց գեղարուեստական ներդաշնակութեամբ, մի առանձին գրաւչութիւն են

տալիս գործի բովանդակությունը, որ ունի 2 մետր 82 հարիւրորդամետր երկարություն եւ մի մետր 74 հրդմ. լայնություն: Արժէքն է 2000 թուման:

— Ի՞նչպէս էք մաքրում այս գործերը, երբ անհրաժեշտ է լուսնալ, — հարցնում եմ գործի վարպետ զեղձկուհուն:

— Անցեալում գործերը լուսնում էինք թեթեւ կրաջրով, — հայկական ամօթխածութեամբ նա սկսեց բացատրել, — յետոյ տեղական հարթուկով արդուկում էինք, որպէսզի գործերի բուրդի խաւերը փայլեն. բայց նկատեցինք, որ այդ լուսնոյում վնասում է գործին, ուստի այլեւս լուսնում ենք սարկի քաղած չօղան խոտաբոյսի հիւթով: — Հայաստանից եկած մի վարպետ գործադործ մեզ սովորեցրեց նաեւ քիմիական լուսնոյում, — խորացրեց զեղձկուհին իր բացատրությունը, — բայց դա թէեւ փայլ է տալիս գործերին, սակայն յետոյ վնասում է եւ բոլորովին դուրսաթափ անում: Լուսնոյում գործը չի պահում իր հարազատութիւնը, — շարունակեց նա հիմք ունենալով իր փորձառութիւնը, — բուրդը կորցնում է իր բնական իւղը եւ չորանալով վնասում է: Չպէտք է գործի գոյնները լուսնալ, որովհետեւ ամէն մի գործ համբաւ ունի ոչ թէ նրա համար՝ որ լուսնոյում է, այլ հարազատ է:

Ուսաննա Դաւթեանը միաժամանակ գործարուեստի մի վաստակաւոր ուսուցչուհի է: Նրա մօտ սովորել են 8-15 տարեկան բազմաթիւ զեղձկուհիներ, որոնց սրտերում թաքնուած գործադործական արուեստի սէրը նա ոչ միայն դարձաւ, այլեւ նրանց մէջ զարթեցրել է զեղարուեստական ճաշակ եւ հաղորդել է նրանց իր վարպետութիւնը:

2. Գորգագործուհի Արփիկ Մելիքեան: Մօտ 22 տարեկան, հայկական զեղեցիկ դիմանկարով ա՛յնքան զբաւիչ այս զեղձկուհին համարում է Չարմահալի գորգագործական արուեստի լաւագոյն վարպետուհին, որի կատարած գերը մեծ է

զաւառի գորգարդիւնարեութեան զարգացման գործում:

Իր հմուտ ձեռքերով նա վարպետօրէն գործել է գունազեղ, զեղեցիկ գործեր, որոնք իրենց ինքնատիպ գոյներով ու զարդերով Չարմահալի գորգագործական արուեստի պատմութեան մէջ առանձնաշատուկ տեղ են զբաւում:

Իր նրբին արուեստով նա այսօր պարծանքն է Չարմահալ զաւառի Լիւսսիան գիւղին, ուր ծնուել է 1924 թուականին: Փոքր հասակից գորգահիւսութեան արուեստը սովորել է իր ծնողների մօտ եւ շնորհիւ իր բնածին ձիրքի, ուշիմութեան եւ յարատեւ աշխատասիրութեան՝ կարճ ժամանակում տիրապետել է գորգագործութեան բարդ արուեստին:

Նրա գործած որոշ գործերն ուշագրաւ են նրանով, որ նա օգտագործել է արեւելեան զեղազարդային արուեստի աւանդները: Նոյնպէս հանդամանօրէն ուսումնասիրել է հայկական գործերի հնագոյն նմուշները: Իր հետաքրքիր նուաճումներով էլ նա այսօր պատիւ է բերում Չարմահալի ժողովրդին եւ նրա գորգահիւսութեան մշակոյթին:

3. Բալասան, Սոփիա եւ Խաթուն Վերդիեաններ: Գորգագործութեան մշակոյթը իր պատուաւոր տեղն ունի նաեւ Չարմահալի հայաբնակ Մամուռան գիւղում, ուր հինգ տան զեղձկուհիները նրւիրուել են գորգարուեստին: Նրանք սովորել ու ձեւակերպուել են իրենց ծնողների զեղաւարութեամբ: Այդ հին, փորձուած գորգագործուհիների շարքում առաջնակարգ տեղ են զբաւում երեք վարպետ զեղձկուհիներ, որոնք իրենց ձեռքերում բարձր են պահել Չարմահալի գորգագործական մշակոյթի հմայքն ու վեհութիւնը: Դրանք Բալասան, Սոփիա եւ Խաթուն Վերդիեաններն են, որոնք գունեղ բրդէ թելերով գործել են բարձր որակի գործերի նոր տեսակներ, նոր նախշեր եւ զեղարուեստական բրդէ կապերտներ, որոնք Չարմահալի գորգա-

գործական արուեստի գանձարանում ուրոյն տեղ են զբաւում:

Նրանց հմուտ գործած մէկը միւսից զեղեցիկ բրդէ զարդանկար գործերն ունեն ամէն տեսակ չափեր. ոմանք ունեն վեց մետր երկարութիւն եւ չորս մետր լայնութիւն, իսկ հասարակ գործերի լայնութիւնն է 3 մետր, երկարութիւնը՝ 4:

Առանձին հաճոյքով նայում եմ նրանց գործած գործերի զբաւիչ զարդանկարներին ու նախշերին եւ ապրում գորգարուեստի զեղեցիկութեամբ: Նրանք զարգարուն գործերի պատրաստութեան գործով մեծ աշխատանք են կատարել, Չարմահալ զաւառի գորգագործական արուեստի արդիւնարեութեան համար:

— Ո՞րտեղից են այս զեղեցիկ գործերի զեղարուեստական նկարները, — հարցնում եմ վարպետ գորգագործուհի Բալասան Վերդիեանին:

— Մեր գործած որոշ գործերի զարդերն ու նկարներն օրինակից դուրս ենք քաշել (օրինակել, օգտուել ենք) զլիւստրապէս (օրինակել, օգտուել ենք) զլիւստրապէս Քրմանշահի, Համազանի եւ այլ վայրերի հնադարեւ, զարգարուն գործերից: Օգնակարգարդ, զարգարուն գործերից: Օգնակարգարդ, զարգարուն գործերից: Նոյնպէս օգտագործել ենք տապիր զարգարուն նկարները:

Սակայն, նշենք, որ Չարմահալի զեղձկուհիների գործած որոշ գործերի նկարների զեղարուեստական ձեւակերպումները միանգամայն ինքնուրոյն են:

Գործերի տեխնիկայի մասին որոշ բացատրութիւններ ու լուսարանութիւններ տալիս է նաեւ վարպետ գորգագործուհի Սոփիա Վերդիեանը:

— Մեր գործած գործերին, — բացատրում է նա, — ասում ենք զալի, իսկ գործի նախշի ձեւին՝ քօրանք: Թելը, որին կոչում ենք հիւստուածք կամ առէջ, բրդից է կամ բամբակից, իսկ գործուածքը՝ բրդից: Միջին թելը թէ՛ բամբակից է եւ թէ՛ բրդից: Տօկունութեան, ուժեղութեան համար նախընտրում ենք բամբակէ առէջը, որն աւելի զիմացկուն է:

Այլ գործից ընդօրինակելուն ասում ենք «դուրս քաշել»:

4. Ծաղիկ Բայանդուրեան: Չարմահալի գորգագործական արուեստի պատմութեան մէջ ուրոյն տեղ են զբաւում նաեւ հայաբնակ Լիւսսիան գիւղին պատիւ բերող ութը վարպետ գորգագործ ընտանիքների զեղձկուհիները, որոնց արագաշարժ ու ճարպիկ մասների տակ, ամուր հենքի վրայ, ստեղծուել են բրդէ նկարազարդ գործեր՝ երկներանգ նախշերով: Այդ ընտիր գործերով նրանք զարկ են տուել զաւառի գորգարտագործութեան մշակոյթին:

Լիւսսեանի լաւագոյն գորգագործ զեղձկուհիների շարքում առանձին յիշատակութեան արժանի է Ծաղիկ Բայանդուրեանը, որ իր դագաղի մօտ արագ եւ համաչափ աշխատում էր եւ գործի նրմուշի ստեղծման գործում մեծ հմտութիւն ու ջանք էր գործադրում: Թերեւս այդ երեւոյթով պիտի բացատրել, որ նրա ձեռքով պատրաստուած բազմաթիւ գործերը բարձր գնահատական են ստացել:

Նրա գորգագործական արուեստի ամենաբեղնաւոր տարիները կապուած են Լիւսսեան գիւղի հետ: Ամբողջ 25 տարիներ նա այնտեղ գործել է նկարազարդ եւ ծաղկանկար գործեր, որոնք վկայում են նրա արուեստի հմտութեան, վարպետութեան եւ ոճի էութեան ու նուաճումների մասին:

Գորգագործութեան այս վաստակաւոր զեղձկուհին իր աւանդ թողած նկարազարդ գործերով այսօր ապրում է Լիւսսեանի գիւղացիների սրտերում, որոնք հպարտ են նրա գորգարուեստով եւ սիրով ու յարգանքով յիշում են նրա անունը. իսկ նրա պատրաստած գործերը մտել են արդէն Չարմահալի գորգագործական արուեստի պատմութեան գանձարանը:

(Շար. 1)

ԱՐԱՄ ԵՐԵՄԵԱՆ